

## QUÆSTIO MEDICA.

QUOD LIBETARIIS DISPUTATIONIBUS,  
manè discutienda, in Scholis Medicorum, die Jovis vigesima tertiâ  
mensis Januarii, anno Domini M. DCC. XLIX.

M. ANDREA CANTWEL, Regiæ Societatis Londinensis  
Socio & Chirurgiæ Professore designato, Doctore  
Medico, Præsidente.

An Microscopi vita, motus merè mechanici?

I.



UI hominem attentius rimatur, summam conditoris sapientiam emirari nunquam desinet, in eo enim orbis universi compendio, stupendam artem, quæ in aliis rebus dispersa est, quali in puncto collectam conspiciet. E duabus constat substantiis, animâ scilicet & corpore, illa cogitans, partium expert, hæc cogitationis incapax, ex solidis fluidisque partibus coalescens. Solidæ sunt, quarum elementa intimiori contactu junguntur, & sibi invicem coherant, quàm ut ab actionibus viæ sanæ divelli queant. Partes verò harum primariæ ad quas ultimâ suâ mutatione devehuntur, elementa, seu atomi dicuntur, conceptu saltem, primæ, minimæ, divisibiles, terree, ex quibus repetitis, sibiq; appositis exurgit totum, & quæ corporis cujusunque simplicissimæ sunt. Harum plures secundum longitudinem adunate villos, seu fibrillas efficiunt, sicut ex pari vilorum per extrema coacti fit pars similis in longum extensa, laciudinis expert sub fibræ nomine quæ corpus est fistiforme, teres, diaphanum, elasticum. Partes huc usque recentas absque laciudine spectavimus, verùm si duæ fibræ sibi mutuo applicentur parallelo ductu, ex earum laciudine, licet infinitè parvâ, fiet membrana omnium tanè minima, sed in longum, & latum extensa, quâ ultimâ dimensione crescens, crescit & fibrarum pari directione adherentium numerus, crescit & membranz soliditas, quam si involuam singas, vasculum habebis omnium simplicissimum. Si plura simul secundum axem adjungas vascula, membranarum iterum conficies sed compositam, convolve, tubus erit ex membranâ fibroso-vasculosâ, sicque ex membris vasculosis variè adunatis, & convolutis fiunt vel maxima corporis vasa, aorta scilicet, & vena cava, quarum prior per varias quas gignit propagines sanguinem ex corde ad corporis extrema traducit, ubi totidem venarum radicibus excipitur & undiquè collectus in truncum omnibus communem effunditur, per atriculam dextram ventriculum, pulmones, &c. in aortam denudò reversurus. Cætera cujusunque generis, vel ordinis vasa ex his pullulant, sive secretoria, sive excretoria, vel in illis inseruntur. Haud impari artificio muscoli, viscera, tendines, cartilagine, ossa, & reliqua corporis solida ex membranis fibroso-vasculosis constanter, neque aliud compositionis discrimen, quàm quod à majori, aut minori partium cohesione aut fibrillarum numero repetendum. Si dubites, ad molliem in pueri, in adulto firmitatem, in senibus earundem partium duritiem & rigiditatem attendas, in pueri omnia fluidis redunate molliemque affectare videbis, in senè contrâ rigescere omnia & quasi lapidescere. Sicut ex sanguiferis vasa cætera, ita & ex sanguine humores omnes. (Si chylum exceptis). Ille singula perlustrans corporis puncta passim fuscum anilinis restituentis idoneum apponit, suæque scaturiginis memor ad chylosim in ore salivam, in ventriculo gastricum, bilem in hepate, alibi alios, ad varios usus fecerit humores, vel foras expellit inutiles. Sed hos frustra quæveris effectus, si quiescent in vase liquidum ribi fixeris. Peraguntur omnia per motum in corpore, hinc agentium solidorum, & fluidorum in se mutuo impetu enascitur vita, enascuntur variz functiones.

I I.

**FACULTAS** in corpore humano est ea partium dispositio peculiaris quæ ad certos producentes effectus requiritur, & sufficit. Effectus illi operationes, functiones, actiones dicuntur, quæ nihil aliud sunt quàm certi motus ad individui conservationem ordinati, ad tria revocantur genera, vitales, naturales, animales, vitales quibus positis ponitur vita, cessantibus autem cessat. Hujusmodi est motus cordis quo sanguinem per venas redeuntem excipit. Per arterias ad corporis extrema pollicet. Sed hic motus tria supponit, liberam nempe cerebelli, & nervorum in cordis fibras musculares actionem, sanguinis per venas ad extremis reditum, & liberam denique per pulmones iter. Absque his itaque cordis vitalis

A

actio nulla, his integris quæro tamen corde machina iners. Hinc sanguinis circuitus, respiratio, spirituum animalium in cerebello secretio & per nervos motus, totidem sunt vitales functiones à se invicem pendentes, & vitæ perinde necessitæ. Quenam harum prior frustra quæris. Descripto namque circulo, nec principium invenitur nec finis. Ex his pater non omnem cordis motum vitalem esse aut ad vitam sufficere, sic, verbi gratia, subitus convulsivus quos edunt corda diversorum animalium avulsa, vitales minime censendi, talibus enim non fit motus sanguinis progressivus, qui solus vitam conficitur. Naturales sunt quas ex naturæ instituto & necessitatibus sensu omni animali insito, percipimus, ut ea, quæ vitæ muneribus quotidie avolant, reficiantur. Corpus enim animale non secus ac aliz quæcumque machinæ in motu positæ movendo dæteritur, agendo enervatur, communicando motum amittit, impingendo atteritur, imò dum munitis quibus destinatur indelinerenter incumbit, penitus rueret nisi forissecus reficeretur. Reficitur tamen tot & talia apponendo quot & qualia amiserat. Hinc cum nihil ex triplici regno defumi possit ejusdem cum amissis præstitè indolis, necesse est ut varia quibus vescimur, varias subeant mutationes. Unde partium nostrarum dotes sufficiunt, tales autem nascuntur manducatione, deglutitione, digestionem in ventriculo & intestinis, chyli seu digesti secretionem, distributionem, fecum expulsionem, &c.

Animalis denique quibus mutuam corporis & animæ innotescit commercium, & sunt certi motus in corpore qui has potius quam illas excitant in animæ cogitationes, & vicissim; consequenter ad tales hujus cogitationes, hi præ cæteris producantur in corpore motus. Hujusmodi sunt sensus, animi affectus, morusque voluntarii. Absque his vita utcumque superset. Idiota æquè vivit ac philosophus, nec quispiam vitam privatur, vel ob imbecillitatem functionum quæ ab animâ pendent, vel ob debilitatam animæ cum rebus externis commercium.

Multò magis ad vitam conferunt naturales quæ tamen nonnisi mediâtè eam constituunt, quatenus scilicet aliis functionibus subministrant, famulantur, & unde corporis damna reficiantur, suppeditant. Varia morborum genera, urbes obesse, authorum testimoniis, jejuna absque vitæ interitu satis diù tolerari posse comprobant. Aliter de vitalibus censendum est, quarum vel minimum exercitium ad vitam vel minimum requiritur. Sed ut harum functionum consensus & concursus vitæ essentiam per se non constituunt, ita tamen consentire mutuo debent, si vitæ nobis perfectissimæ ideam exhibere et animus, harum omnium integritatem argue concursum vitæ perfectissimam seu sanitas ante oculos ponit. Nec minus ex recensitis sequitur varios esse vitæ gradus. Perfectissimum seu sanam in quâ omnes facili, commodè & constanter exerceri possunt functiones. Mediàm seu morbosam in quâ fit alicujus functionis læsio, minimam denique seu morti proximam quæ cum cordis & vasorum actione sufflaminatur. His pater sanitatis, morbi & mortis natura, ipsamque vitam nihil aliud esse quam exercitium actuale vel revocabile omnium, vel quarundam corporis functionum.

## I I I.

UT vitæ ex mutua consentientia organorum actione coalescit, ita si mechanicè moveantur illa, vitam quoque mechanicam esse dicendam, pronum est concludere. Omnes porro actiones, quibus peragendis hæc consentiunt instrumenta, à circulatione pendunt; hæc ita pro vitæ fonte atque origine haberi debet, ut, non solum eâ posita cætera ponantur actiones, sed aucta augeant, imminuta verò eodem passu decreascent.

Verùm in peragendis omnibus quæ ab eâ pendent actionibus, à mechanicis legibusse vel minimum discedit circulatio. Quotquot enim vel ad vitam protrahendam, vel ad corpus fulciendum, & expurgandum, vel ad speciem propagandam inserviunt functiones, ex omnes vel à secretionem, vel ab alteratione quâdam humoribus impressa pendere satis vero congruum est. Ipsa porro secretio animalis, quâ omnes generantur corporis humores, ipsamque nutritur, liquidum à liquido disjungitur ac segregatur, mechanicum circuli sanguinis consequens est. Organa secretoria cujuscumque generis & ordinis, sive loculi sint glandulosi, cribrosi, spongiosi, sive arteriarum extremæ propagines, vel vasorum congeries in modum retis contexta, & in giros convoluta, sive denique pori meatuumque vasorum, cum vasis sanguiferis continuo alveo communicare nemo negabit. Sanguinem vi cordis & arteriarum ad singula corporis puncta propelli, ejusque motum in diversis à corde distantis diversum, in remotissimis tam intestinum quam progressivum minimum esse. Fluidi minus agitati vel quiescentis partes ejusdem gravitatis, & indolis ab aliis separantur & invicem coalescunt. Denique organorum secretientium diametros diversas esse certum est. His positis necessariò fit secretio; nam fluidum pelli nequit per canalem quin tubos ex hoc canali procedentes sibeant; ergò dum sanguis per arteriarum tractus vi cordis pellitur particule laterales ejusdem, vasorum lateraliū ostiola ingrediuntur, modò tamen horum diameter major sit maximâ particule subintrantis diametro, vel luminis parvitas majori particule motu compensetur, cum autem diversæ sint in sanguine partes, aliæ crassæ, densæ, graves, quæ fluidi axem semper occupant, aliæ tenues, fluidæ, aqueæ, quæ ad latera motu pelluntur, mirum non est, diversas partes sanguinis in diversis organorum ostiolis recipi, nunquam verò partes rubras quæ axem semper tenent, & crassiores sunt quam ut ab organis in statu naturali admittantur; pater ergò sanguinem per vasa sua moveri non posse quin ex ejus sinu varii recedant humores. Cur autem ex unâ communi sanguinis penu suis semper locis constanter eadem peculiaria generentur liquida, quamvis hic loci non fit inquirere tamen id citri videtur ex organorum fabricâ, sanguinis ad organum appel-

lenticis indole, ejus in minimis retardatâ velocitatē, vasorum proportione organicâ, non tamen figurâ analogiâ, cujuslibet particulâ pondere, & mole diversis. Angulorum in quos incidit diversitate, flexionum quibus occurrit frequentia, tandem quidam excretorii insertionis loco. At si secretio mechanicè peragitur, quot à secretionē functiones pendunt, tot mechanicè peragi consequens est: hinc generationis historiam, hinc digestionem penè totam, hinc loci, bilis, succi pancreatici natales expiaveris. Porcân & hinc nervorum latitantem in abstruso actionem, tensionem fibrarum tonicam, enodare non immerito speraveris, & abstrusiorē adhuc actionis muscularis causam detegere, ejus certè quæcumque sit causâ, à circulatione pender, adeoque nonnisi mechanicè nascitur, sed certis adhuc mechanicis ita regitur legibus, ut non aliudē pulchriora repetere possis mechanicis instituta, quod æternâ laude dignissimis evicit theorematibus *Aphronus Botelli*.

Animales functiones ex eodem deducere fonte arduum magis opus. Si quid autem in tam spissâ tenebarrum caligine conjectari liceat, eas, præter merè spirituales, ab animâ tantam potentia motricē minimè oriundas esse censco. 1<sup>o</sup>. Abiquè certa organorum, cerebri, & nervorum dispositione eas fieri non posse constat apud omnes. 2<sup>o</sup>. Toidem sunt morus, siquidem sunt in partibus, & partium ope, & à potentia motricē. 3<sup>o</sup>. Nec intelligimus quomodò immaterialis substantia in materiam agere, & pro potentia haberi possit aliâ quàm determinatrice. 4<sup>o</sup>. Functiones illæ ad vitam eatens conferunt, quantenus physicè vel mechanicè exercentur.

Quid jam de alteratione succorum externorum addamus, undè alimenta in chylum, chylus in sanguinem famulante vasorum actione vertuntur. Id totum mechanicum dici debet. Eadem enim videas adaugeri ratione, quâ motus circulationis increvit; hinc corpora quò magis exercita, eò magis alimenta conficiunt; quò languent magis, vel respirations vel circulationis organa, eò minùs in animale ingesta mutantur naturam.

#### I V.

**I**n circulationis mechanismo quidquid machinam constituit hydraulico mechanicam à abundè reperies. Potentia scilicet in impellendo liquido occupata, ipsique oppositæ resistentiæ ita in idem consentiunt, & sese mutuo contemperant, ut ex certâ atque determinatâ velocitatē, certis nascantur effectus, hinc scilicet nec violentior in partes ipsi negatas sanguis irrumpit, nec tardior quas benigno rore debet perfundere, recusat aluere. Hunc verò consensum si requiras, & hunc pariter ex partium structurâ, & ex rerum phenomenis facillè evinces. Potentiam scilicet primariam exhibet vitalis embolus in pericardio liber undiquè, alternatque contractione acceptum refundens sanguinem, & ita miro fibrarum artificio in omnem sensum ab apice ad basim, à circumferentiâ ad axim contractus, ut quaquaversum pressus sanguis unicam arteriarum viam afficeret, hanc scilicet clauso per valvulas alio effugio, solam perviam. Truditur ergò indè ad totum corpus nec vi medicitæ sanguis. Primariam cordis actionem adjuvat, concurrans & secundaria arteriarum actio. Illæ scilicet quò cordi propiores, eò elasticæ magis, in quocunque vitæ tempore, sanguine repletæ semper habendæ sunt. Hinc truso à corde sanguine, necessariò debent ampliari, quæ postea, dum semper sanguinis admissi portio per venas effluit (cessante interim inflatioque per sanguinem corde) in eum reagent, repelluntque solâ elaterii lege, quâ corpora quæcumque elastica pristinum distenta statum recuperare affectant. Hinc vim à corde acceptam sanguini reddunt, rursum alterius distendendæ, iterumque alterius contrahendæ. Nec resistentiarum tibi minas apparebit, si vel ad oculum nudum partem cerâ Ruyschianâ rubentem inspexeris; hinc quâ ratione spatium crescit, eadem multiplicantur parietes, multiplicatur attritus; hinc & velocitas decrescit, & per tot vasorum millia summa dilatationis & contractionis alternæ divisæ æquabilior facit sanguinis influxum, sed & tardiorē. Adde & sanguinis arterias in ipsa contractione distendentis renixum, undè quò propior cordi arteria, eò plus corde contracto sanguinis sibi servat, eò plus reddit eò dilatato, siquæ majores patitur dilatationis & contractionis vices. Hinc tot pendunt phenomena quibus enodandis frustra insudabit mechanicarum rudis. Etenim quandiu vivimus, id nobis semper in circulatione observatur; quòd sanguis vi cordis sinistri in aortam propulsus antecedentem fluidi molem premat & vasorum parietes, undè duplex sequitur effectus, motus nempe progressivus, in toto vasorum systemate arterioso & venoso, & subita arteriarum dilatatio ad tactum sensibilis seu pulsatio, ex quâ major sanguinis copia quàm antea in ipsa continetur, subito dein relaxatur cor, contrahuntur arteriæ, digitur rangens sitigunt, iterum brevi replendæ. At sic sese hæc omnia excipiunt, ut si minutatim unitus actio, nascant & alix, minuunturque phenomena, ut observat in hæmorrhagiis, systolis diastolisque vices imminui *Halestus*, hinc in exercitio omnia videmus augeri, quia quem citius sanguinem cor accipit, citius pariter accipit; reddat. Interè licet perpetuo motu per venas feratur sanguineus latex, nulla tamen alterni hujusmodi motus in iis reperas vestigia. At cur venæ non pulsent altioris forsân fed mechanicæ tamen est in agnitis. Decrescit enim systolis & diastolis alterna diversitas, in majori à corde distantia, ita ut pro nihilo haberi debeat, cum sanguis ad venas pervenerit; hinc pressio lateralis in ipsis omni tempore æqualis. Sic igitur in circulationis opere cuncta legibus reguntur mechanicis, ex quibus cordis & vasorum sanguinem pellentium vires supputantur, ejusdem aortam subeuntis moles & velocitas, in diversis denique alveolis virium deperditio. Uno verbo circulatio effectus est machinæ hydraulicæ alterius motibus agita-

æ, omnis autem machinarum effectus mechanicus est, & si mechanismus nos partim læteat, plures tamen in eâ deprehendimus mechanices leges, cætera soli construenti nota.

V.

**S**I quis, in jam dictis aliud quid deprehendat præter machinas ad motum paratissimas; ita fabricatas ut ipsi semper præsto sit sui motus causa, vis, & directio, is, sanguinis motum abque mechanices legibus fieri contendat; id ipsi supererit explicandum quem in finem tanta organorum diversitas, eorundem successiva & imperturbato ordine actio; cur uno moto quiescit alterum, cur valvulæ? Cur tanto artificio constructæ? Nonne eisdem hic ac in Anthiliis, præbent usus? Nonne parietum contractio emboli vices gerit? Cur adeo densa, compacta, multiplex, & in omnem sensum contractilis fibrarum cordis muscularium series? Cur tam facile irriterentur? In promptu ratio est, ut validius, facilius, sese contrahant & sanguinem undique comprimant. Nonne in hoc sanguinis circulo adausculum servatur ista mechanices lex, nempe ut vires sine resistentiis superandis proportionata? Hinc sinuum vis contractilis minor, auricularum paulò major, ventriculorum maxima in sinistro quam in dextro adhuc major, ita ut semper sit spatium percurrendo, & partibus dilandis proportionata; ergò iste virium excessus ex ipsâmet partium structura mechanicè deducitur; ergò & ab eadem tota motus quantitas. Ex solâ auricularum positione mechanices legibus motum hunc perennari constat; eas enim utriusque venæ, cordisque sinuum, ostiis ita interposuit summus rerum Opifex ut sanguis per venas confluens, à ventriculis ad expellendum contractis exclusus, illis, veluti secessibus, aut atris quibusdam, exciperetur, cum aliquin in vasis subsistere cogereetur, motusque sequentis intercepteretur non sine magno totius machinæ incommodo. Aliam hujus motus nunquam feriantis causam à me frustra quaeres præter vim fibrarum morticium, quam ex mechanica conformatione suâ, & sanguinis arteriosi, liquorisve nervi, universum illarum textum irrigantibus undis habent, tam & impulsus sanguinis in cavitates eorundem, veluti stimulum motusque incitamenta ita ut effectus fiat causa & vicissim, neque aliam cogniti possibilem aut Medico utilem facile crederem, causæ enim rerum primariæ nos penitus latent, inque iis indagandis operam, & oleum perdit physicus, & si eas dederant Medici, intelligentes erunt, in quas nihil poterunt. Id tantum scire possunt, & debent, quod ex debito solidorum cum fluidis equilibrio sequatur functionum integritas, & conservari nequit nisi fibris adit tonus ad motus secundum mechanicas leges edendos, aptus, fluidisque legitima crasis. Ergò sicut morbus ex motibus imminuit vel depravatis, & legibus mechanices contrariis, ita pariter status morbo oppositus, seu sanitas in motu legitimo & juxta easdem leges ritè peracto.

*Ergò Microcosmi vita, motus merè mechanicus,*

## DOMINI DOCTORES DISPUTATURI.

*M. Petrus Poissonnier, Professor & Censor Regius.*

*M. Guillelmus Ruellan,*

*M. Joannes Bessé, Dotariae Hispaniarum Reginae, dum viveret, Medicus Primarius.*

*M. Antonius le Camus.*

*M. Petrus Arcelja.*

*M. Antonius de Jussieu, Regi à Consiliis & Secretis, Regiæ Scientiarum Academiæ, Regiarumque Societatum Angliæ & Prussiæ Socius, Botanices in Horto Regio Parisiensis Professor ac demonstrator.*

*M. Claudius Bourcier de la Moallière, M. Petrus Chevalier,*

*M. Joannes - Baptista - Thomas Martineq, Saluberrimæ Facultatis Decanus.*

Proponebat Parisiis, **AMBROSIIUS HOSTY**, Hyberno-Tuamensis, Doctor Medicus Remensis, necnon Saluberrimæ Facultatis Medicinæ Parisiensis Baccalaureus, A. R. S. H. 1749, à sextâ ad meridiem,

Typis QUILLAU, Universitatis & Facultatis Medicinæ Typographi, 1749.